


**SENIOR CERTIFICATE EXAMINATION**  
***SENIORSERTIFIKAAT-EKSAMEN***



**OCTOBER / NOVEMBER**  
***OKTOBER / NOVEMBER***

**2004**

**SETSWANA PUO YA BOBEDI**  
**SEEMOTLASE**

**(Pampiri ya Bobedi)**

**SG**

**931-2/2**

**10 pages**

SETSWANA SECOND LANGUAGE SG: Paper 2



931 2 2

SG

**COPYRIGHT RESERVED / KOPIEREG VOORBEHOU**  
**APPROVED BY UMALUSI / GOEDGEKEUR DEUR UMALUSI**





LEFAPHA LA THUTO LA GAUTENG  
TLHATLHOBO TSA MAKGAOLAKGANG

SETSWANA PUO YA BOBEDI  
SEEMOTLASE  
(Pampiri ya Bobedi)

NAKO: diura tse 2

MADUO: 80

**DITAELO:**

- Araba dipotso tse PEDI fela go tswa mo go tse tlhano tse o di filweng.
- Dipotso tsotlhe di arabiwa ka Setswana.
- Thulaganyo e nne phepa; tiriso e e nepagetseng ya matshwaopuiso le thulaganyo ya mabaka di ka go tswela molemo.

**KAROLO YA A  
MABOKO**

**POTSO 1**

**Selelo sa mmoki: M.C.D. Mogotsi**

| <b>Lesedi</b>                                                                                                                                                                              |    |
|--------------------------------------------------------------------------------------------------------------------------------------------------------------------------------------------|----|
| Maloba jale kwa kokoanong,<br>Motsemogolo kwa Selokwaneng,<br>Re ne ra umaka tshokamo ya ditiro,<br>Re eletsa fa lesedi le ka atologa.                                                     | 3  |
| Botlhe re le motlhaleng mongwe fela,<br>Re eletsa fa rotlhe re ka nna seoposengwe,<br>Ra ke ra gakisa mokotedi maano.                                                                      | 6  |
| Motlhalefi a ema gare ga rona:<br>Bagaetsho, ke lo utlwa ka tse pedi,<br>Ke eletsa lo ka itoloka, lwa tlhomama;<br>Ya nna one motheo wa kitso,<br>Go leba paka tse di tlang ka maikaelelo. | 9  |
| Aitsane lo gabile go thubisa merafe 'belo lwa kgaisano,<br>Ya tla ya emela godimo jaaka dithaba,<br>Matshelo le one a tle a tokafale.                                                      | 12 |
|                                                                                                                                                                                            | 15 |

- 1.1 Leboko le, le wela ka fa tlase ga mofuta ofe wa poko? (2)
- 1.2 Neela mabaka a le MARARO go tshegetsa karabo ya gago. (2x3)= (6)
- 1.3 Go tlhagelela sekapuo sefe mo moleng wa bo 14? (2)

- 1.4 Mo lebokong le, kokoano e ne e tshwaretswe kwa kae? (2)
- 1.5 Morafe o ne o kokoanetse eng? (3)
- 1.6 Neela bokao jwa mela e e latelang:
- 1.6.1 Re le motlhaleng mongwe fela. (3)
- 1.6.2 Ke le utlwa ka tse pedi. (3)
- 1.7 Nopola mafoko a a senolang tse di latelang mo moleng o o supilweng:
- 1.7.1 Tshwantshiso (mola 4) (3)
- 1.8 Neela mofuta o le MONGWE wa poko. (2)
- 1.9 Lebaganya mafoko a a ka fa tlase ga A le ditlhaloso tsa one tse di ka fa tlase ga B Kwala fela nomore ka fa go A le tlhaka e e emelang tlhaloso mo go B.

**A**

**B**

- |                                   |     |                                                                                                            |
|-----------------------------------|-----|------------------------------------------------------------------------------------------------------------|
| 1. Tshwantshiso e e atelositsweng | (a) | Fa mmoki a dirile gore medumo ya bofelo ya mela e dume ka go tswana.                                       |
| 2. Enjambamente                   | (b) | Fa mmoki a sa tlhalose puo ya gagwe jaaka puo ya metlha.                                                   |
| 3. Morumo                         | (c) | Fa kakanyo mo temeng ya leboko e simolola kwa moleng wa ntlha e be e felela kwa moleng wa bofelo wa leboko |
|                                   | (d) | Fa mmoki a bapisa dilo tse pedi mme a sa khutshwafatse tlhaloso ya gagwe.                                  |
| 4. Tlogelo                        | (e) | E ka tlhagisiwa ka letshwao le [']                                                                         |
| 5. Puo ya botswa                  |     | kgotsa dipopi tse pedi tsa ntlha.                                                                          |

(2x5) (10)

- 1.10 Neela makaelagongwe a le mabedi fela a mafoko a a latelang:

- 1.10.1 Kokoanong
- 1.10.2 Umaka
- 1.10.3 Seoposengwe
- 1.10.4 Gabile

(2x2) (4)

**MADUO A KAROLO YA A: [40]**

**KAROLO YA B**  
**TERAMA**  
**POTSO 2**

***Dintshontsho tsa lorato: L.D. Raditladi***

Buisa nopollo ke eo, mme o itse go araba dipotso tse di boditsweng:

**Nopolo A**

|                |                                                                                                                                                                                 |
|----------------|---------------------------------------------------------------------------------------------------------------------------------------------------------------------------------|
| <b>A:</b>      | Ga twe rrangwanaagwe o mo kobile setlhogo,<br>A mo ntsha ka seferwana jaaka ntšwa bosigo<br>Sakoma, molekane, ke eng, ntlha ga o akgele,<br>O didimetse o rile tu, ga o bolele. |
| <b>Sakoma:</b> | Moledi ga a na lepe lefoko, molekane,<br>E a re fela go tserwe dikgang ene a tlhona me,<br>E re go tshegwa a sekeseke dikeledi.                                                 |
| <b>A:</b>      | A o gopotse mosetsana yo motshwana,<br>Ngwana wa Bangwato yo o meno-maswaana?                                                                                                   |

- |      |                                                                                |     |
|------|--------------------------------------------------------------------------------|-----|
| 2.1  | Sakoma o tsere kgang le mang?                                                  | (2) |
| 2.2  | Mosetsana yo motshwana ke mang?                                                | (2) |
| 2.3  | <b>Rrangwanaagwe</b> fa go tewa mang?                                          | (2) |
| 2.4  | Totatota "mosetsana" o kobilwe ke mang?                                        | (2) |
| 2.5  | Ke ka ntlha ya eng Sakoma a ipitsa <b>moledi</b> ? Tlhalosa gore o lelela eng. | (3) |
| 2.6  | Mmamotia ke mongwato, Sakoma ene ke mokae?                                     | (2) |
| 2.7  | Go diragetse eng mo bosigong jo bo hulereng kwa ntlong ya ga Kalafi?           | (3) |
| 2.8  | Go belaelwa gore ke mang yo o dirileng tiro e?                                 | (2) |
| 2.9  | Ke eng motho yo o mo neileng mo go 2.8 e le ene mmelaelwa?                     | (3) |
| 2.10 | Tlhalosa setlhogo sa terama <b>Dintshontsho tsa Lorato</b>                     | (3) |
| 2.11 | A setlhogo sa terama e, se nyalana le diteng? Tshegetsa karabo ya gago         | (3) |
| 2.12 | Sakoma o ne a itsege ka eng mo motseng?                                        | (3) |
| 2.13 | Tlhopha karabo e e nepagetseng, kwala fela (a) (b) kgotsa (c)                  |     |

2.13.1 Mmamotia o tshabetse kwa Mokwena le ....

- (a) Sakoma
- (b) Kalafi
- (c) Rrekgosi (2)

2.13.2 Tsala ya ga Sakoma ke:

- (a) Rrekgosi
- (b) Pule
- (c) Seloka (2)

2.13.3 Kgosi ya Bangwato ke:

- (a) Lepemola
- (b) Sekgoma
- (c) Tshukudu (2)

2.13.4 Kgosi ya kwa Tebele ke:

- (a) Lepemola
- (b) Sekgoma
- (c) Tshukudu (2)

2.13.5 Morongwa wa ga Kalafi ke:-

- (a) Phane
- (b) Mmadiphefo
- (c) Kgaswane (2)

**MADUO A KAROLO YA B: [40]**

### **KAROLO YA C**

#### **PADI**

#### **POTSO 3**

**Masaikategang a Magodimo: J.M.K. Mekgwe**

Buisa nopolo ke eo, mme morago o arabe dipotso tse di latelang.

“Mme nna ke simolola go utlwa leina leo ka lona,” ga bua lekgarebe. Ba tswa. Ya re ba ise ba pagame, Baleseng a ikgata motlhala. “Mma,” a bua a tshwere matlhwana ka seatla le ena, “fa e le gore se ke se buang ke matlakala, o tla intshwarela. Mme fela ke rata go itse selo sosi: A rre yo – “a se ka a le digela.” Rra, o nkutlwa eng? Ke go bolelele ga kae gore le go mo itse ga ke mo itse? Lo a bo lo tlholela motho ngwana wa leswafe. Fa o sa rate go se bona, tswee-tswee ntwela ka jarata!” A gakologelwa gore ke go e latela mosimeng. A tswa ka ngoba e sa fothwa. A tsena mo koloing a le mosetlha. “Go siame, mma. O bothale! Mme o bone bo se go je, bothale joo jwa gago. Ka re o tla tla go aloswa ke maotlana, fa e le gore le ena maitseo a gagwe a mo dinokeng jaaka a gago. Mme fa o sa tlhokomele, o tla amogelesega ka tsoopedi kwa kgolegolong!”

- 3.1 Ke leina lefe le kgarebe le simololang go le utlwa? (2)
- 3.2 Go ne go tshwanetse go diragale eng ka motho yo o mo senotseng mo go 3.1? (3)
- 3.3 Leina la tota la motho yo o mo neileng mo go 3.1 ke lefe? (2)
- 3.4 Tiro ya Baleseng fa a sa kgwetse koloi ya balwetse ke efe? (2)
- 3.5 Tlhalosa bokao jwa dipolelwana tse di latelang:
- 3.5.1 A se ka a le digela
- 3.5.2 Go se bona
- 3.5.3 A tswa ka ngoba e sa fothwa
- 3.5.4 Go aloswa ke maotlana
- 3.5.5 Maitseo a a mo dinokeng (5x3) (15)
- 3.6 Go ne ga diragala eng fa Khuduga a ya kwa ntlong eo? (3)
- 3.7 Kwala seane se: **go e latela mosimeng** ka botlalo (3)
- 3.8 Tlhopha di le TLHANO fela. O kwale fela (a) (b) kgotsa (c)
- 3.8.1 Amalense e e rwalelang balwetse kwa West Chest e kgweediwa ke:-
- (a) Baleseng
- (b) Mooki
- (c) Mmoni
- 3.8.2 Rankelenyane o ipitsa
- (a) Joromea Retlamoreng
- (b) Rodney Gobuamang
- (c) Lebogang
- 3.8.3 Rre yo o timeletsweng ke baesekele ke:
- (a) Lebogang
- (b) Rodney Gobuamang
- (c) Joromea Retlamoreng

3.8.4 Morwadia Mathebula ke:-

- (a) Sehume
- (b) Sedupe
- (c) Sedumo

3.8.5 Sefane sa Bra White ke:-

- (a) Sehume
- (b) Sedupe
- (c) Sedumo

3.8.6 Mmaago Khuduga ke:-

- (a) Sedumo
- (b) Morwesi
- (c) Moithui

3.8.7 Morwadia Sedumo ke:-

- (a) Morwesi
- (b) Moithui
- (c) Mmoni
- (d)

2x5=(10)  
(40)

**MADUO A KAROLO YA C: [40]**

**KAROLO YA D**  
**DITLHANGWA TSA MOLOMO**  
**POTSO 4**

***Ntlhabele dinaane: Z.S. Dipale***

Buisa khutshwafatso ya naane ke eo, mme morago o itse go araba dipotso tse di boditsweng:

***Moopana le Segwagwa***

Ga twe e rile e le monna le mosadi wa gagwe. Ba ne ba se na bana. Ka letsatsi le lengwe fa mosadi a ntse a tsamaya, a kopana le monnamogolo yo o neng a mo gakolola gore fa a batla bana a kgetle dithupa tse tlhano tsa motlhakolane tse di tlhamaletseng mme a di bee a bolelelwa gore fa a sa itumelele ngwana yo mongwe, o tlile go mowafala.

Morago ga malatsi a le tlhano, bana ba tswa ka fa tlase ga nkgwana ba bane ba bone e ne e le digole ka mosadi o ne a kgetlhile dithupa tse nne tse di sa tlhamalalang. O ne a ngongoregela bana ba, mme ba mowafala. A sala ka a le mongwe yo itekanetseng a bidiwa Moopana.

Tsatsi lengwe Moopana o ne a timela mo sekgweng a re o latela rraagwe. Motse otlhe wa ema ka dinao go mmatla, ga se thuse sepe. Tsatsi lengwe mosadi a etelwa ke segwagwa, sa mo kopa dijo le metsi, a se neela. Segwagwa sa bodusa tsela, mme mosadi a se ka a fela pelo. Segwagwa sa feleletsa se ile go batlela mosadi ngwana wa gagwe, sa mo fitlhela kwa ga dimo, sa tsietsa dimo, mme sa tla nae.



- 4.1 Naane e, e wela ka fa tlase ga mofuta ofe wa dinaane? (3)
- 4.2 Tshegetsa karabo ya gago (3)
- 4.3 Neela molaetsa wa naane e. (3)
- 4.4 Neela dintlha di le THARO fela tse di sa kgodisang mo naaneng e. (3x3) (9)
- 4.5 Kwala mekgwa e le MEBEDI eo re ka simololang naane ka yone. (2x3) (6)
- 4.6 Neela mekgwa e le MEBEDI eo re ka feleletsang naane ka yone. (2x3) (6)
- 4.7 Tlhopha karabo e e nepagetseng, kwala fela (a) (b) kgotsa (c).
- 4.7.1 Dikinane di bua ka ga:
- (a) Dilo tsa tlholego
  - (b) Tiragalo ya nnete
  - (c) Batho (2)
- 4.7.2 Puo ya dinaane e:
- (a) Bofitlha
  - (b) Bonolo
  - (c) Mo magareng (2)
- 4.7.3 Dinaane dingwe di na le pina go:
- (a) Ruta bana go opela
  - (b) Supa fa motlotli wa naane a kgona go opela
  - (c) Gore bana ba natefelwe, mme ba se robale (2)
- 4.7.4 Dinaane gantsi di tlotlwa leng?
- (a) Phakela pele bana ba ya go tshameka
  - (b) Motshegare o mogolo
  - (c) Maitsiboa fa go itisitswe mo isong (2)
- 4.7.5 Dinoolwane di bua ka ga:
- (a) Batho fela
  - (b) Tiragalo ya nnete
  - (c) Dilo tsa tlholego (2)

**MADUA A KAROLO YA D: [40]**

**KAROLO YA E**  
**DIKGANKHUTSWE**

**POTSO 5**

**Mmualebe: R.M. Malope**

Buisa nopollo e o e filweng mme morago o arabe dipotso tse di boditsweng:

Le gompieno monnamogolo ga a ise a ko a bee lona kwa ga ngwetsi ya gagwe. Ga re itse gore Kedisaletse o rotswe ke mang thapo. Sejanaga sa mosego wa "CheV" se sa le se nyelela dikgwedi tse pedi morago ga dikomang tsa dikapolo tsa bana, go lwelwa digaswana tsa ga moswi Mofeti.

Go a reng jaanong? Ditswalo tsa kwa 2610 mmila wa Moroe, di akga mangena a makgaraga. Bathong! Fa e sa le go re mosong mongwe ga goroga banna ba apere dikhakhi jaana, ba feta ba rwala thoto ka mafega, ba e katela mo lloing ya lekgotla la motse. Go utlwala gore e kwa dikantorong tsa motse, e emetse go letsetswa tshipi. Mosadi wa kwa 2610 ena, ba ba di boneng tsatsi leo – gone batho ba rata dikgang tsa malapa a batho – ba re o palame mafofonyane mo seteiseneng sa Atteridgeville. O utlwelwa kwa Soweto- go ya ka magatwe a basadi ba ba tlholang ba itlosa bodutu ka tsa ba bangwe motshegare fa go ilwe tirong.

- |      |                                                                                                             |            |
|------|-------------------------------------------------------------------------------------------------------------|------------|
| 5.1  | Ka monnamogolo fa, go tewa mang?                                                                            | (2)        |
| 5.2  | Monnamogolo o tsalana jang le Kedisaletse?                                                                  | (2)        |
| 5.3  | Sejanaga sa "CheV" se nyeletse jang?                                                                        | (3)        |
| 5.4  | Moswi Mofeti ke mang?                                                                                       | (3)        |
| 5.5  | Banna ba dikhakhi ba ne ba rwalelang thoto?                                                                 | (3)        |
| 5.6  | Rraagwe Kedisaletse ke mang?                                                                                | (2)        |
| 5.7  | Neela maina a bana ba ga Kedisaletse le Mofeti.                                                             | (2x2)= (4) |
| 5.8  | Morago ga loso lwa ga Mofeti, Matlapeng ka kgakololo ya ga Ketlamoeng, o ne a ratile fa go ka diragala eng? | (3)        |
| 5.9  | A setlhogo sa khutshwe e, se nyalana le diteng? Tshegetsa karabo ya gago.                                   | (4)        |
| 5.10 | Neelana ka maina a mabedi fela a barwa ba ga Matlapeng.                                                     | (2x2)= (4) |

5.11 Lebaganya maina a a ka fa tlase ga A le ditlhaloso tse di nepagetseng ka fa tlase ga B

A

B

5.11.1 Pekwa  
 5.11.2 Tsholo  
 5.11.3 Tholo  
 5.11.4 Boitumelo  
 5.11.5 Seraki

(a) Ngaka kwa bookelong jwa Ga Rankuwa  
 (b) Mooki kwa Kalafong  
 (c) Lepodisi la segatlhamelamasisi  
 (d) Morutabana kwa Hofmeyer  
 (e) Morekisi wa dikhai mo lebentleleng la  
 "Boys Town"

(2x5) (10)

**MADUA A KAROLO YA E: [40]**

**MADUO OTLHE: 80**